

Bosna i Hercegovina  
Federacija Bosne i Hercegovine  
Bosansko-podrinjski kanton Goražde  
**MINISTARSTVO ZA PRIVREDU**



# **P R O G R A M**

## utroška sredstava

Ministarstva za privredu Bosansko-podrinjskog kantona Goražde  
sa ekonomskog koda 614500 POD 003  
„Subvencije za podsticaj razvoja, poduzetništva i obrta“

Goražde, juni 2022.godine

Na osnovu člana 46. Zakona o izvršenju budžeta Bosansko-podrinjskog kantona Goražde za 2022. godinu ("Službene novine Bosansko-podrinjskog kantona Goražde", broj:12/21), a u skladu sa odredbama Zakona o ministarstvima i drugim tijelima Kantonalne uprave Bosansko – podrinjskog kantona Goražde, ("Službene novine Bosansko-podrinjskog kantona Goražde", br.9/13 i 13/13) te u skladu sa Strategijom Bosansko-podrinjskog kantona Goražde za period 2020-2027.godine ("Službene novine Bosansko-podrinjskog kantona Goražde", br.4/21), Ministarstvo za privredu Bosansko-podrinjskog kantona Goražde, **utvrđuje:**

## **P R O G R A M**

**utroška sredstava Ministarstva za privredu Bosansko-podrinjskog kantona Goražde sa ekonomskog koda 614500 POD 003 „Subvencije za podsticaj razvoja, poduzetništva i obrta“**

### **1. NAZIV PROGRAMA**

Naziv Programa je:” **Program podrške razvoju poduzetništva i obrta za 2022. godinu**”, sa ekonomskog koda 614500 POD 003 - „Subvencije za podsticaj razvoja, poduzetništva i obrta“ .

### **PODACI O PROGRAMU**

<b>Period realizacije Programa:</b>	01.01.-31.12.2022.godine
<b>Budžetska pozicija:</b>	Subvencije za podsticaj razvoja, poduzetništva i obrta
<b>Ekonomski kod:</b>	614500 POD 003
<b>Ukupna vrijednost Programa:</b>	100.000,00 KM
<b>Odgovorna osoba:</b>	Haris Salković
<b>Pozicija odgovorne osobe:</b>	Ministar
<b>Kontakt osoba za Program:</b>	Amela Čutuna
<b>Kontakt telefon:</b>	038-227-857
<b>Kontakt e-mail:</b>	amelacutuna428@gmail.com
<b>Internet:</b>	<a href="http://www.mp.bpkg.gov.ba">www.mp.bpkg.gov.ba</a>

### **SAGLASNOST NA PROGRAM**

Saglasnost na ovaj Program, u skladu sa članom 46.Zakona o izvršenju budžeta Bosansko-podrinjskog kantona Goražde za 2022.godinu ("Službene novine Bosansko-podrinjskog kantona Goražde", broj:12/21), je dala Vlada Bosansko-podrinjskog kantona Goražde odlukom broj:03-11-1321/22 od 20.07.2022.godine.

## **2. SVRHA I OPIS PROGRAMA**

### **2.1 Svrha Programa**

Na osnovu Zakona o ministarstvima i drugim tijelima kantonalne uprave Bosansko-podrinjskog kantona Goražde (Službene novine Bosansko – podrinjskog kantona Goražde broj: 9/13 i 13/13) nadležnosti Ministarstva za privredu Bosansko-podrinjskog kantona Goražde su predlaganje i provođenje politike u oblasti industrije, poduzimanje mjera za unaprijeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprijeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učešće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementacija politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politike razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde.

Program podrške razvoju poduzetništva i obrta za 2022.godinu usklađen je sa Zakonom o izvršenju budžeta Bosansko-podrinjskog kantona Goražde za 2022. godinu („Službene novine Bosansko-podrinjskog kantona Goražde“, broj: 12/21).

### **2.2 Opis Programa**

Program utroška je provedbeni akt Ministarstva za privredu Bosansko-podrinjskog kantona Goražde koji osigurava da se planirana sredstva budžeta Bosansko-podrinjskog kantona Goražde koriste na transparentan, specifičan i mjerljiv način u vremenski određenom periodu sa namjerom/svrhom da se kroz podsticaj otvaranju novih obrta, podsticaj zapošljavanju, rastu i razvoju obrtničke/poduzetničke djelatnosti omogući poboljšanje ukupnog životnog standarda u Bosansko-podrinjskom kantonu Goražde.

Program će obezbijediti podsticaje za sufinansiranje projekata i zahtjeva obrtnika/poduzetnika u Bosansko-podrinjskom kantonu Goražde, kao i sufinansiranje obrtnika/poduzetnika koji su prvi put registrovani u 2022. godini. Zahtjevi se podnose u skladu sa procedurama predviđenim Programom.

Programom će se pružiti podrška u vidu subvencija za pokretanje novih projekata u poduzetništvu i obrtu koji će omogućiti unaprjeđenje i opstojnost postojećeg obrta, kao i otvaranje novih radnih mjesta pri prvoj registraciji obrtničke djelatnosti i otvaranje novih radnih mjesta kod

već registrovanih obrtnika. Subvencija će se obezbijediti i za otklanjanje problema koji onemogućavaju održivo poslovanje u niskoakumulativnim djelatnostima i starim zanatima.

Program utroška sredstava sa ekonomskog koda 614500–Subvencije za podsticaj razvoja, poduzetništva i obrta Ministarstva za privredu Bosansko-podrinjskog kantona Goražde za 2022. godinu (u daljem tekstu Program), definiše bitne elemente za dobijanje saglasnosti za Program od strane Vlade Bosansko-podrinjskog kantona Goražde, kao što su opći i posebni ciljevi Programa, kriteriji za raspodjelu sredstava, potrebna sredstva, korisnici sredstava, procjena rezultata, te procjena nepredviđenih rashoda i izdataka, kao i potreban broj radnika za provođenje i monitoring.

### **3. OPĆI I POSEBNI CILJEVI PROGRAMA**

#### **3.1. Opći (osnovni ) cilj Programa**

Osnovni cilj Programa jeste podrška za opstojnost, zadržavanje radnih mjesta kao i zapošljavanje kod prve registracije obrtničke djelatnosti, sufinansiranje projekata zapošljavanja u već postojećem obrtu i srodnim djelatnostima (osim poljoprivredne djelatnosti) i pružanje pomoći za unapređenje i očuvanje postojećeg obrta i sufinansiranje niskoakumulativnih djelatnosti i starih zanata, kao i podrška u vidu subvencioniranja izmirenja dugovanja po osnovu javnih prihoda sa danom 31.12.2021.godine.

#### **3.2. Posebni (specifični) ciljevi Programa**

U skladu sa općim ciljem, Programom se definišu sljedeći posebni (specifični) ciljevi.

- 1) Pružanje pomoći za unaprjeđenje i očuvanje postojećeg obrta, sufinansiranje niskoakumulativnih djelatnosti i starih zanata, kao i sufinansiranje srodnih djelatnosti obrtu (trgovina, ugostiteljstvo) sa ciljem očuvanja djelatnosti i poboljšanja uslova poslovanja, te poboljšanju ukupnog životnog standarda u Bosansko-podrinjskom kantonu Goražde.
- 2) Izmirenje dugova javnih prihoda zaključno sa 31.12.2021 godine.
- 3) Start UP podrška za prvu registraciju obrtničke djelatnosti u 2022 godini.
- 4) Pružanje podrške proizvodnim obrtima-ulaganja u kapitalne projekte u obrtu.

#### **3.2.1. Pružanje pomoći za unapređenje i očuvanje postojećeg obrta kao i sufinansiranje niskoakumulativnih djelatnosti i starih zanata - obavljaju kao osnovno zanimanje (ne mogu aplicirati korisnici koji su dobili sredstva u 2021. godini)**

U okviru prvog posebnog cilja, obezbijedit će se podrška obrtnicima, starim zanatima i obrtnicima u niskoakumulativnim djelatnostima za unaprjeđenje i očuvanje postojećeg obrta i prevazilaženje poteškoća u radu.

Podrška će se prioritetno pružiti u vidu sufinansiranja nabavke mašina, uređaja, ostale opreme i repromaterijala, rekonstrukcije i investicionog ulaganja u objekte sa ciljem prevazilaženja problema za obavljanje obrta, omogućavanja održivosti kao i dugoročnog stabilnog poslovanja obrtnika, starih zanata i obrtnika u niskoakumulativnim djelatnostima kao osnovno zanimanje, kao i u trgovini i ugostiteljstvu.

Na ovaj poseban cilj aplicira se isključivo putem aplikacione forme za zahtjeve po raspisanom javnom pozivu.

### **3.2.2 Izmirenje dugova javnih prihoda zaključno sa 31.12.2021 godine.**

U okviru drugog posebnog cilja Ministarstvo za privredu će sufinansirati one obrtnike sa područja BPK Goražde koji imaju dugovanja po osnovu javnih prihoda zaključno sa 31.12.2021.godine uz sporazume o reprogramu dugovanja.

Na ovaj poseban cilj nemogu aplicirati obrtnici koji se bave poljoprivrednom proizvodnjom, dok ostali mogu tako što će aplicirati isključivo putem aplikacione forme za zahtjeve po raspisanom javnom pozivu.

### **3.2.3. Start UP podrška za prvu registraciju obrtničke i srodnih djelatnosti (osim poljoprivredne djelatnosti) u 2022.godini**

U okviru trećeg posebnog cilja obezbijedit će se subvencija za Start UP podršku prve registracije obrtničke i srodnih djelatnosti u cilju otvaranja novih radnih mjesta i unaprjeđenja obrtničke djelatnosti na prostoru Bosansko-podrinjskog kantona Goražde. Podrška po ovom posebnom cilju se neće pružiti u oblasti poljoprivredne djelatnosti iz razloga jer se projekti vezani za poljoprivrednu djelatnost subvencioniraju sa ekonomskog koda za poljoprivredu.

Podrška će se prioritetno pružiti u vidu subvencija za prvu registraciju obrtničke djelatnosti u cilju otvaranja novih radnih mjesta i unaprjeđenja obrtničke i srodnih djelatnosti na prostoru Bosansko-podrinjskog kantona Goražde.

U okviru ovog posebnog cilja podrška će se pružiti u vidu sufinansiranja troškova vezanih za prvu registraciju obrtničke i srodnih djelatnosti a to su: troškovi registracije biznisa (troškovi taksi,advokatske usluge, troškovi kopiranja i ovjeravanja dokumenata, izrada pečata i sl.); troškovi vezanih za izvođenje građevinskih radova neophodnih za pokretanje obrta i srodnih djelatnosti , kao i troškovi nabavke proizvodnih mašina i ostale opreme neophodne za otpočinjanje poslovanja (npr. nabavka fiskalne kase, nabavka potrebne opreme, sirovina, repromaterijala i mašina za proizvodnju, IT opreme, softvera i sl.) troškovi uređenja i/ili zakup poslovnog prostora.

Na ovaj poseban cilj aplicira se isključivo putem aplikacione forme za projekte (iz biznis plana) po raspisanom javnom pozivu.

Novoosnovani subjekat koji je dobio sredstva od Ministarstva za privredu Bosansko-podrinjskog kantona Goražde ne može prestati sa radom u periodu od tri godine računajući od momenta dobivanja prve registracije.

#### **3.2.4. Pružanje podrške proizvodnim obrtima – ulaganja u kapitalne projekte u obrtu (osim poljoprivredne djelatnosti)**

U okviru četvrtog posebnog cilja podrška će se pružiti proizvodnim obrtima u cilju pokretanja novih projekata u obrtu i srodnim djelatnostima (osim poljoprivredne djelatnosti) kojima će se vršiti nabavka mašina i uređaja, izgradnja, proširenje ili rekonstrukcija objekata, otklanjanje uskih grla u poslovanju, uvođenje novih tehnologija u proizvodni proces, usvajanje proizvodnje novih proizvoda i povećanje dodatne vrijednosti u obrtu i srodnim djelatnostima za novootvorena radna mjesta (osim poljoprivredne djelatnosti).

Ovi obrti moraju imati sopstveno učešće u iznosu od 30% koje moraju navesti u aplikacionom obrascu. Prioritet prilikom ocjenjivanja projekta biće fokus na otvaranju novih radnih mjesta, te će tako i dodjela sredstava ići recipročno. Jedini uslov ove obrtnike je, ukoliko dobiju sredstva od Ministarstva za privredu Bosansko-podrinjskog kantona Goražde ne mogu se naredne tri godine prijavljivati za podršku u vidu novčanih sredstava Ministarstvu za privredu BPK Goražde.

Na ovaj poseban cilj aplicira se isključivo putem aplikacione forme za projekte po raspisanom javnom pozivu.

### **4. POTREBNA SREDSTVA ZA PROVOĐENJE PROGRAMA**

#### **4.1. Visina sredstava za provođenje Programa**

Potrebna sredstva za provođenje Programa planirana su Budžetom Ministarstva za privredu Bosansko-podrinjskog kantona Goražde za 2022.godinu („Službene novine Bosansko-podrinjskog kantona Goražde“, broj: 12/21), na ekonomskom kodu 614500 POD 003 – Subvencije za podsticaj razvoja, poduzetništva i obrta, u ukupnom iznosu od 100.000,00KM.

#### **4.2. Maksimalni budžet po posebnim (specifičnim) ciljevima**

Programom se utvrđuje visina, odnosno maksimalni iznos sredstava za svaki posebni cilj Programa. Maksimalna visina sredstava za svaki poseban (specifičan) cilj predstavlja jednu finansijsku komponentu Programa.

Za svaki poseban cilj, odnosno za svaku finansijsku komponentu Programa definisan je slijedeći maksimalni budžet:

- 1) Pružanje pomoći za unapređenje i očuvanje postojećeg obrta kao i sufinansiranje niskoakumulativnih djelatnosti i starih zanata (ne mogu aplicirati korisnici koji su dobili sredstva u 2021. godini)

Maksimalan budžet – 20.000,00 KM

- 2) Izmirenje dugova javnih prihoda zaključno sa 31.12.2021. godine

Maksimalan budžet – 15.000,00 KM

- 3) Start UP podrška za prvu registraciju obrtničke i srodnih djelatnosti

Maksimalan budžet 15.000,00 KM

- 4) Pružanje podrške proizvodnim obrtima– ulaganja u kapitalne projekte u obrtu

Maksimalan budžet 50.000,00KM

### **4.3. Preraspodjela sredstava**

U slučaju potrebe, Ministarstvo za privredu Bosansko-podrinjskog kantona Goražde može napraviti preraspodjelu sredstava sa jedne na drugu komponentu (posebnog cilja) u iznosu do maksimalno 25 procenata od iznosa komponente sa koje se sredstva prenose. Preraspodjelu ovih sredstava Ministarstvo za privredu Bosansko-podrinjskog kantona Goražde će izvršiti odlukom Ministra za privredu.

U slučaju izmjene ukupne vrijednosti Programa koja je rezultat izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta ministarstva i preusmjeravanja između budžetskih korisnika, Ministarstvo za privredu Bosansko-podrinjskog kantona Goražde se ovlašćuje da može vršiti izmjenu i dopunu Programa u skladu sa potrebama na osnovu kojih su donešene Odluke o preusmjeravanju, povećanju ili smanjenju ukupne vrijednosti Programa uz saglasnost Vlade Bosansko-podrinjskog kantona Goražde.

## **5. KRITERIJI ZA RASPODJELU SREDSTAVA**

### **5.1. Način raspodjele sredstava**

Raspodjela sredstava vrši se dodjelom državne pomoći za svrhe predviđene poglavljem 3. Programa–opći i posebni ciljevi. Državna pomoć može se dodijeliti samo jednom, a u skladu sa procedurama predviđenim Programom.

Raspodjela sredstava vršiće se na osnovu odobrenih zahtjeva i projekata u skladu sa svakim posebnim ciljem Programa. Konačnu saglasnost na spisak korisnika sredstava državne pomoći iz ovog Programa daje Vlada Bosansko-podrinjskog kantona Goražde.

Sredstva iz ovog Programa dodjeljivat će se u formi projektnog finansiranja (plaćanje unaprijed) i u formi subvencioniranja troškova (naknadno plaćanje).

## **5.2. Kriteriji za raspodjelu**

Sredstva iz budžeta će se dodjeljivati korisnicima srazmjerno njihovom doprinosu ostvarivanja općeg i posebnih ciljeva i očekivanih rezultata Programa. Za ocjenjivanje doprinosa ostvarivanja ciljeva Programa primjenjivat će se dva eliminatorna kriterija i jedan kriterij za rangiranje aplikacija.

Eliminatorni kriteriji su:

1. ispunjavanje općih uslova za učestvovanje u Programu,
2. ispunjavanje posebnih uslova za učestvovanje u Programu,

Kriterij po osnovu kojeg će se rangirati aplikacije je rezultat procesa apliciranja, selekcije i evaluacije zahjeva i projekata, a rangiranje će se vršiti u skladu sa skalom za evaluaciju (tačka.5.6.10.-skala za evaluaciju)

## **5.3. Opći uslovi za učestvovanje u programu**

U implementaciji Programa primjenjivaće se restriktivne procedure koje omogućavaju ravnopravno učestvovanje u Programu svim licima koja spadaju u jednu od slijedećih kategorija:

- a. da imaju rješenje o registraciji za već postojeći obrt i srodne djelatnosti koje je izdao nadležni općinski organ i da im je prebivalište (registracija) na prostoru Bosansko-podrinjskog kantona Goražde;
- b. da imaju rješenje o registraciji za novootvoreni obrt i srodne djelatnosti koje je izdao nadležni općinski organ u 2022.godini i da im je prebivalište (registracija) na prostoru Bosansko-podrinjskog kantona Goražde;

Lica koja spadaju u jednu od kategorija iz prethodnog stava obavezna su ispunjavati slijedeće opće uslove za učestvovanje u Programu:

1. da imaju registraciju na prostoru Bosansko-podrinjskog kantona Goražde,
2. da imaju ugovor o otvorenom bankovnom računu i da isti nije u blokadi,
3. ID broj aplikanta (identifikacioni broj aplikanta),
4. da u momentu podnošenja aplikacije imaju minimalno jednog stalnog zaposlenog radnika na neodređeno vrijeme,
5. da nemaju neizmirenih obaveza za poreze i doprinose, osim obaveza koje su obuhvaćene Ugovorom o reprogramiranju obaveza (Ovo se odnosi na prvi i četvrti cilj).



6. da nemaju neizmirenih obaveza po osnovu članarine obrtničkoj komori u skladu sa zakonom.

#### **5.4. Posebni uslovi za učestvovanje u Programu**

U implementaciji Programa, pored općih, primjenjivaće se i posebni uslovi za učestvovanje u Programu.

##### ***Posebni uslovi koji se primjenjuju za aplikante u okviru prvog posebnog cilja su:***

1. da spadaju u a. kategoriju lica kojima je općim uslovima omogućeno učestvovanje u Programu,
2. da su registrovani, zaključno sa 31.12.2021.godinu, osim u slučaju preregistracije u skladu sa Zakonom,
3. da nisu registrovani za poljoprivrednu djelatnost,
4. da su dostavili izjavu da će se baviti registrovanim obrtom minimalno tri godine od momenta dodjele sredstava po ovom Programu.
5. Po ovom cilju nemaju pravo učestvovati obrtnici kojima su dodijeljena sredstva u 2021.godini.

##### ***Posebni uslovi koji se primjenjuju za aplikante u okviru drugog posebnog cilja su:***

1. da spadaju u a. kategoriju lica kojima je općim uslovima omogućeno učestvovanje u Programu,
2. da su registrovani zaključno sa 31.12.2021.godine, osim u slučaju preregistracije u skladu sa Zakonom,
3. da nisu registrovani za poljoprivrednu djelatnost,
4. da imaju neizmirene obaveze za poreze i doprinose, obuhvaćene sporazumom o izmirenju dugovanja ,ugovorom o reprogramiranju obaveza ili dokaz o kratkoročnom dugovanju, (ministarsvo će službeno izvršiti prikupljanje podataka)
5. dokaz da u momentu podnošenja aplikacije imaju minimalno jednog stalno zaposlenog radnika na neodređeno vrijeme.

***Posebni uslovi koji se primjenjuju za aplikante u okviru trećeg posebnog cilja su:***

1. da spadaju u b. kategoriju lica kojima je općim uslovima omogućeno učestvovanje u Programu, uključujući trgovinsku i ugostiteljsku djelatnost;
2. da imaju urađen biznis plan za start up obrt.

Potencijalna fizička lica koji namjeravaju da se registruju u toku 2022. godine, mogu aplicirati po ovom posebnom cilju i dostaviti popunjeni aplikacioni obrazac i potvrdu o prebivalištu na području BPK Goražde (CIPS potvrda), kojom se dokazuje da je lice sa područja BPK Goražde.

***Posebni uslovi koji se primjenjuju za aplikante u okviru četvrtog posebnog cilja su:***

1. da spadaju u a. kategoriju lica kojima je opštim uslovima omogućeno učestvovanje u Programu,
2. da su registrovani zaključno sa 31.12.2021. godine, osim u slučaju preregistracije u skladu sa Zakonom,
3. da nisu registrovani za poljoprivrednu djelatnost,
4. da će dostaviti dokaz o upošljavanju minimalno jednog novog radnika, nakon odobravanja novčanih sredstava,
5. da su dostavili izjavu da će se baviti registrovanim obrtom minimalno tri godine od momenta dodjele sredstava po ovom Programu.
6. neće imati pravo aplicirati naredne tri godine.

**5.5. Kandidovanje prijedloga projekata i podnošenje zahtjeva za sredstvima**

Prijedlozi projekata i zahtjeva dostavljaju se nakon objavljivanja javnog poziva, koji se raspisuje u skladu sa procedurama predviđenim Programom.

Aplicira se na obrascima koje je propisalo Ministarstvo za privredu Bosansko-podrinjskog kantona Goražde, u aplikacionoj formi za dostavljanje prijedloga projekata i u aplikacionoj formi za dostavljanje prijedloga zahtjeva.

U okviru prvog i drugog cilja, aplikanti dostavljaju isključivo aplikacione obrasce za zahtjeve.

U okviru trećeg i četvrtog posebnog cilja, aplikanti dostavljaju isključivo aplikacione obrasce za projekte.

Javni poziv će se raspisati za sve posebne ciljeve Programa. Rok za dostavljanje aplikacija samo po trećem cilju je 14.10.2022. godine.

Pravilno popunjavanje propisane forme omogućava da se svi aspekti prijedloga projekata i zahtjeva za sredstvima objektivno selektiraju i procjene i isti ne mogu biti pisani rukom.

Svi prijedlozi projekata ili zahtjeva procjenjuju se u skladu sa procedurama apliciranja, selekcije, evaluacije i rangiranja.

## **5.6. Procedure apliciranja, selekcije i evaluacije projekata i zahtjeva za sredstvima**

### **5.6.1. Aplikanti**

Lica koja ispunjavaju opće uslove za učestvovanje u Programu i koja u formi propisanoj od strane Ministarstva za privredu Bosansko-podrinjskog kantona Goražde dostave prijedlog projekta i zahtjev za sredstvima imaju status aplikanta. Aplikant može odabrati najpovoljniji način apliciranja na sredstva.

Javni poziv se raspisuje po dobivanju saglasnosti na Program od strane Vlade Bosansko-podrinjskog kantona Goražde.

Javni poziv sadrži: Predmet javnog poziva, Naziv posebnog cilja Programa, kriteriji i korisnici sredstava, Pravo učešća, Sadržaj prijave za učešće na javni poziv za dodjelu finansijskih sredstava, Kriteriji za ocjenu prijave i izbor korisnika, Način preuzimanja potrebne dokumentacije, Način podnošenja prijave i Ostale odredbe.

Javni poziv se objavljuje na internet stranici Vlade Bosansko-podrinjskog kantona Goražde i u jednom ili više elektronskih medija.

### **5.6.2. Kandidovanje prijedloga projekata**

Aplikant može kandidovati prijedlog projekta u kojem je planirano sufinansiranje troškova projekta iz sredstava Programa.

Aplikant može dostaviti samo jedan prijedlog projekta ili zahtjeva po javnom pozivu.

Ministarstvo za privredu Bosansko-podrinjskog kantona Goražde može raspisati drugi javni poziv za dostavljanje prijedloga projekata i zahtjeva ukoliko se u prvom javnom pozivu ne utroše sva planirana sredstva Programa, ukoliko dodje do povećanja budžeta, te ukoliko se sredstva planirana za finansiranje ne utroše u vremenskom planu koji je određen Programom.

### **5.6.3. Finansiranje prijedloga projekata**

Prijedlozi projekata čiji ukupni iznosi prelaze minimalni i maksimalni iznos projekta u kojima je planirani grant veći ili manji od utvrđene visine, projekti u kojima nije obezbjeđeno vlastito učešće (odnosi se na one kojima je programom zatraženo) u skladu sa prethodnim stavom i projekti pisani rukom će u fazi administrativne provjere biti automatski odbijeni kao neprihvatljivi za finansiranje.

Minimalni i maksimalni iznos granta za sufinansiranje projekata iz sredstava ovog Programa su definisani u rasponu za svaki posebni cilj u tabeli 1.

Tabela 1:

## Pregled iznosa grant sredstava za finansiranje po Programu

	Ukupan budžet po komponenti	Minimalan-maksimalan iznos
Pružanje pomoći za unaprjeđenje i očuvanje postojećeg obrta kao i sufinansiranje niskoakumulativnih djelatnosti i starih zanata (ne mogu aplicirati korisnici koji su dobili sredstva u 2021. godini) u zavisnosti od broja radnika u obrtu	20.000 KM	500 -2.000 KM
Pružanje pomoći u dijelu izmirenja dugova po osnovu javnih prihoda, zaključno sa 31.12.2021.godine	15.000 KM	do 2000 KM
Start UP podrška za prvu registraciju obrtničke i srodne djelatnosti u 2022. godini	15.000 KM	do 3.000 KM
Pružanje podrške novom zapošljavanju u proizvodnim obrtima uz ulaganja u kapitalne projekte u obrtu	50.000 KM	2.000-15.000 KM

**5.6.4. Podnošenje zahtjeva za sredstvima**

U zavisnosti od cilja, aplikant podnosi zahtjevu propisanoj aplikacionoj formi za projekte-zahtheve. Istovremeno aplikant može podnijeti samo jedan zahtjev za sredstvima.

U clju pružanja podrške za veći broj Start up-ova, omogućili smo da aplikanti mogu dostaviti zahtjev za sredstvima i nakon objavljivanja javnog poziva, **tačnije do 14.oktobra 2022.godine.** Ovo se odnosi samo na **III cilj.**

### **5.6.5. Obavezni sadržaj zahtjeva**

Prilikom apliciranja u vidu zahtjeva za odobravanje sredstava, aplikant je obavezan navesti slijedeće informacije:

- osnovne podatke o aplikantu,
- opis usklađenosti zahtjeva sa konkretnim posebnim ciljem,
- razlog zbog kojeg se zahtjevom traži odobravanje sredstava sa opisom mjera poduzetim prije podnošenja zahtjeva,
- pregled planiranih aktivnosti koje će se poduzeti u slučaju odobravanja sredstava,
- očekivani rezultat koji se planira ostvariti u slučaju odobravanja sredstava,
- iznos traženih sredstava iz Programa i iznos sredstava koji bi se obezbijedio iz drugih izvora.

Zahtjev za sredstvima koji je podnešen od aplikanta obavezno mora biti usklađen sa prioritetima i finansijskim kriterijima koji su definisani u Programu. Zahtjevi koji ne ispunjavaju formu obaveznog sadržaja, odnosno zahtjevi koji nisu usklađeni sa prioritetima i finansijskim kriterijima u administrativnoj provjeri će biti odbačeni kao neprihvatljivi za finansiranje.

### **5.6.6. Otvaranje aplikacija i administrativna provjera**

Otvoravanje aplikacija i administrativna provjera prijedloga projekata i zahtjeva za sredstvima se provodi odmah po zatvaranja javnog poziva, osim za sredstva po III cilju kada je rok za podnošenje zahtjeva kraj oktobra 2022.godine..

Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu sa odredbama ovog Programa. Administrativnu provjeru vrši komisija Ministarstva za privredu Bosansko-podrinjskog kantona Goražde. Administrativnom provjerom se utvrđuje:

- da li je aplikacija dostavljena u roku i na način predviđen Programom,
- da li su dostavljeni svi prilozi na način predviđen Programom,
- da li aplikant ispunjava opće uslove za učestvovanje u Programu,
- da li aplikant ispunjava posebne uslove za kandidovanje projekta i zahtjeva za sredstvima,
- da li je aplikacija potpuna i ispravno popunjena u skladu sa propisanom formom,
- da li je aplikacija usklađena sa svrhom Programa, općim ciljem Programa, da li je zahtjevana podrška u skladu sa posebnim ciljevima Programa i da li je predloženo finansiranje u skladu sa odredbama o finansiranju.

Ukoliko su ovi uslovi ispunjeni, komisija će aplikaciju evaluirati u skladu sa odredbama Programa. U suprotnom aplikacija će i bez evaluacije biti odbijena iz administrativnih razloga.

Aplikacije pisane rukom će biti automatski odbijene.

Nakon provedene administrativne procedure i evaluacije dostavljenih prijedloga projekata i zahtjeva za sredstvima, Ministarstvo će obavijestiti sve aplikante o rezultatima administrativne provjere i evaluacije.

#### **5.6.7. Evaluacija dostavljenih prijedloga projekata**

Komisija provodi evaluaciju dostavljenih prijedloga aplikacija nakon provedene administrativne provjere. Za provođenje administrativne provjere, procesa selekcije, evaluacije i ocjenjivanja projekata Ministarstvo za privredu Bosansko-podrinjskog kantona Goražde formira komisiju u kojoj će pored uposlenika ministarstva, jedan član biti ispred Obrtničke komore BPK Goražde.

Komisija sve dostavljene aplikacije razmatra i evaluira u periodu od maksimalno 30 dana od završetka administrativne provjere.

U evaluaciji projekata komisija primjenjuje pet grupa indikatora i to:

- Finansijski i operativni kapaciteti aplikanta
- Relevantnost
- Metodologija
- Održivost
- Budžet i troškovna efikasnost

#### **5.6.8. Evaluacija dostavljenih zahtjeva za sredstvima**

Komisija provodi evaluaciju zahtjeva nakon provedene administrativne provjere.

U evaluaciji zahtjeva komisija primjenjuje tri grupe indikatora i to:

- Relevantnost
- Održivost
- Budžet i troškovna efikasnost.

#### **5.6.9. Ocjenjivanje aplikacija**

Evaluacija aplikacija se provodi na osnovu skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim kategorijama procjena:

- 1 - veoma slabo;
- 2 - slabo;
- 3 - adekvatno;

4 - dobro;

5 - veoma dobro.

Svaka ocjena se množi sa koeficijentom koji je za svaki indikator predviđen u evaluacijskoj skali. Maksimalan broj bodova za projekat iznosi 100, dok je maksimalan broj bodova za zahtjev za sredstvima 80.

Projekti koji imaju manje od 70 bodova, odnosno zahtjevi za sredstvima koji imaju manje od 50 bodova se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15 aplikacija se odbija, bez obzira na dobiven ukupan maksimalan broj bodova. Ukoliko je ukupan rezultat u poglavlju **budžet i troškovna efikasnost** manji od 15 aplikacija se odbija, bez obzira na dobiven ukupan maksimalan broj bodova.

Komisija će procjenjivati vrijednost indikatora. Prilikom određivanja vrijednosti indikatora komisija će se pridržavati prioriteta, finansijskih kriterija i načina rangiranja koji su propisani Programom. Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjele sa brojem članova komisije.

### 5.6.10. Skala za evaluaciju

INDIKATOR	SKALA	
	Projekti	Zahtjevi
<b>1. Finansijski i operativni kapaciteti aplikanta</b>	<b>10</b>	
1.1. Procjenjeni nivo iskustva aplikanta u upravljanju projektom?	5	-
1.2. Procjenjeni nivo tehničkog i stručnog znanje i iskustva neophodnog za implementaciju projekta?	5	-
<b>2. Relevantnost</b>	<b>25</b>	<b>25</b>
2.1. Koliko je aplikacija relevantna za svrhu, opći i posebne ciljeve Programa?	5	5
2.2. Koliko je aplikacija relevantna za prioritetne aktivnosti u okviru svakog posebnog cilja?	5x2	5x2
2.3. Koliko je aplikacija relevantna za očekivane rezultate Programa?	5x2	5x2
<b>3. Metodologija</b>	<b>10</b>	
3.1. Da li su aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5	-
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta, a koji mogu doprinijeti rješavanju problema?	5	-
<b>4. Održivost</b>	<b>25</b>	<b>25</b>
4.1. Da li će mjere podrške Programa značajnije doprinijeti rješavanju problema koji je naveden u prijedlogu projekta ili zahtjevu?	5	5x2
4.2. Da li predložene aktivnosti mogu imati pozitivne multiplikativne efekte na razvoj poduzetništva i obrta u Bosansko-podrinjskom kantonu Goražde?	5x2	5
4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz Programa, u periodu od minimalno tri godine?	5x2	5x2
<b>5. Budžet i troškovna efikasnost</b>	<b>30</b>	<b>30</b>
5.1. Da li je odnos između planiranih troškova i očekivanih rezultata zadovoljavajući?	5x2	5x2
5.2. Da li je visina predloženih troškova adekvatna za implementaciju planiranih aktivnosti?	5x2	5x2
5.3. Da li su predloženi troškovi aktivnosti obrazloženi na način da dokazuju da će sredstva Programa biti iskorištena na efikasan i ekonomičan način?	5x2	5x2
<b>MAKSIMALAN BROJ BODOVA</b>	<b>100</b>	<b>80</b>



### **5.6.11. Procedure odobravanja prijedloga projekata**

Projekte koji su u procesu evaluacije dobili više od 70 bodova, komisija rangira po broju osvojenih bodova.

U procesu odobravanja, komisija može uvidom na terenu provjeriti stanje u pogledu usklađenosti stvarnog stanja sa stanjem navedenim u prijedlogu projekta.

Nakon provedenog rangiranja odobravaju se svi najbolje rangirani projekti do visine raspoloživih sredstava koja su Programom definisana za svaki poseban cilj. Svi najbolje rangirani projekti za koje postoje raspoloživa sredstva imaju status odobrenih projekata.

Prijedlozi projekata koji imaju više od 70 bodova, ali za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih sredstava za Program ili donošenja odluke o preraspodjeli sredstava u skladu sa odredbama Programa. U suprotnom prijedlog projekta se odbija.

Nakon provedenog rangiranja, komisija predlaže odobravanje prijedloga projekta u punom ili umanjenom iznosu u zavisnosti od rezultata procesa evaluacije.

Sve odobrene projekte Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da donese odluku o odobravanju prijedloga projekata koji će se sufinansirati sredstvima iz budžeta Bosansko-podrinjskog kantona Goražde – ekonomski kod 614 500 POD 003 – Subvencije za podsticaj razvoja, poduzetništva i obrta.

Istovremeno sa prijedlogom odluke o odobravanju prijedloga projekata, Vladi Bosansko-podrinjskog kantona Goražde se dostavlja odobreni prijedlog projekata i prednacrt ugovora o sufinansiranju odobrenih projekata.

Ukoliko se odlukom Vlade Bosansko-podrinjskog kantona Goražde o davanju saglasnosti na spisak korisnika odobrava iznos granta veći od 10.000 KM, prije potpisivanja ugovora, nacrt ugovora dostavlja se Kantonalnom pravobraniocu na mišljenje.

U slučaju da je planirano sufinansiranje projekta iz Programa veće od 6.000 KM i manje od 50.000 KM, uz prednacrt ugovora podnosi se i prijedlog zaključka Vlade Bosansko-podrinjskog kantona Goražde o davanju saglasnosti ministru za privredu Bosansko-podrinjskog kantona Goražde za potpisivanje ugovora.

Nakon prihvatanja prijedloga odluke od strane Vlade Bosansko-podrinjskog kantona Goražde i pribavljenog mišljenja Kantonalnog pravobranilaštva na nacrt ugovora, pristupa se potpisivanju ugovora za sufinansiranje projekata o čemu se aplikanti pismeno obavještavaju.

Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese odluku o odobravanju sredstava iz budžeta Ministarstva za privredu Bosansko-podrinjskog kantona Goražde – ekonomski kod 614 500 POD 003 – Subvencije za podsticaj razvoja, poduzetništva i obrta u skladu sa dostavljenim nacrtima ugovora.

Nakon privatanja prijedloga odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde, pristupa se potpisivanju ugovora sa korisnicima sredstava i zahtjev za plaćanje se dostavlja Ministarstvu za finansije Bosansko-podrinjskog kantona Goražde.

#### **5.6.12. Procedure odobravanja zahtjeva za sredstvima**

Aplikacije podnešene u formi zahtjeva komisija će rangirati po broju osvojenih bodova, za one zahtjeve koji su u procesu evaluacije dobili više od 50 bodova.

U procesu odobravanja, komisija može uvidom na terenu provjeriti ispunjavanje uslova za dobijanje podrške u pogledu uklađenosti stvarnog stanja sa stanjem navedenim u zahtjevu za sredstvima.

Nakon provedenog rangiranja, komisija predlaže odobravanje zahtjeva u punom ili umanjenom iznosu u zavisnosti od rezultata procesa evaluacije. U toku provođenja procedura odobravanja zahtjeva komisija vodi računa o prethodno odobrenim zahtjevima, odobrenim projektima, odnosno projektima koji se nalaze u procesu odobravanja.

Zahtjevi za sredstvima koji imaju više od 50 bodova, za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih sredstava za Program ili donošenja odluke o preraspodjeli sredstava u skladu sa odredbama Programa. U suprotnom zahtjev za sredstvima se odbija.

Sve odobrene zahtjeve Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese odluku o odobravanju sredstava iz budžeta Ministarstva za privredu Bosansko-podrinjskog kantona Goražde – ekonomski kod 614 500 POD 003 – Subvencije za podsticaj razvoja, poduzetništva i obrta.

Nakon prihvatanja prijedloga odluke od strane Vlade Bosansko-podrinjskog kantona Goražde, pristupa se potpisivanju ugovora za sufinansiranje korisnika koji su aplicirali u aplikacionoj formi za zahtjeve, o čemu se aplikanti pismeno obavještavaju.

Ugovorom će se definisati način implementacije sredstava, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Nakon prihvatanja prijedloga odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde i potpisivanja ugovora zahtjev je odobren i Ministarstvo za privredu Bosansko-podrinjskog kantona Goražde dostavlja zahtjev za plaćanje Ministarstvu za finansije.

Konačnu odluku o prijedlogu rang liste za dodjelu novčanih sredstava po sva četiri cilja, donosi ministar za privredu Bosansko-podrinjskog kantona Goražde.

## **6. KORISNICI SREDSTAVA**

Korisnici sredstava su pravni subjekti koji ispunjavaju opće i posebne uslove Programa i koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog Programa.

Ministarstvo za privredu Bosansko-podrinjskog kantona Goražde vodi registar korisnika u kojem se nalaze svi relevantni podaci o datoj državnoj pomoći u okviru ovog Programa za period od pet godina od godine dobijanja državne pomoći.

### **6.1. Prioritetne aktivnosti**

Prioritetne aktivnosti i mjere za učestvovanje u Programu u okviru prvog posebnog cilja su:

- Održivost obrta, nabavka mašina, uređaja i ostale opreme, izvođenje građevinskih radova i nabavka materijala koji su neophodni za pokretanje novog obrta i srodnih djelatnosti (trgovačka i ugostiteljska djelatnost), osim obrta u poljoprivrednoj djelatnosti,
- zadržavanje i zapošljavanje novih radnika.

Prioritetne aktivnosti i mjere za učestvovanje u Programu u okviru drugog posebnog cilja su:

- sufinansiranje isplata dugovanja po osnovu javnih prihoda sa 31.12.2021.godine.

Prioritetne aktivnosti i mjere za učestvovanje u Programu u okviru trećeg posebnog cilja su:

- Pokretanje novih obrta i srodnih djelatnosti, kao i trgovačka i ugostiteljska djelatnost u 2022.godini, osim obrta u poljoprivrednoj djelatnosti.

Prioritetne aktivnosti i mjere za učestvovanje u Programu u okviru četvrtog posebnog cilja su:

- Podrška proizvodnim obrtima– ulaganja u kapitalne projekte u obrtu u cilju pokretanja novih projekata u obrtu i srodnim djelatnostima, kojima će se vršiti nabavka mašina i uređaja, izgradnja, proširenje ili rekonstrukcija objekata, otklanjanje uskih grla u poslovanju, uvođenje novih tehnologija u proizvodni proces, usvajanje proizvodnje

novih proizvoda i povećanje dodatne vrijednosti u obrtu i srodnim djelatnostima (osim poljoprivredne djelatnosti) za novootvorena radna mjesta.

Aplikanti u prijedlozima projekata ili zahtjevima za sredstvima mogu predvidjeti i implementaciju ostalih aktivnosti i mjera koje su povezane sa posebnim ciljevima Programa.

Za ocjenjivanje doprinosa predložene prioritetne aktivnosti primjenjivat će se posebni finansijski kriteriji.

## **6.2. Način rangiranja**

Prilikom ocjenjivanja finansijskih i operativnih kapaciteta prednost će se dati aplikantima koji redovno izmiruju obaveze prema porezima i doprinosima u odnosu na aplikante koji imaju reprogram duga, koji su duži vremenski period aktivni na području kantona, koji imaju bolju organizacionu strukturu i koji su uspješno provodili slične projekte.

Prilikom ocjenjivanja relevantnosti projekta prednost će se davati projektima koji su predviđeni Programom, a komisija će voditi računa o raznolikosti i zastupljenosti proizvodnje proizvoda i usluga na području kantona koje su predmet apliciranih projekata.

Prednost će se dati aplikacijama koje imaju za cilj realizaciju prioritetnih aktivnosti i mjera predviđenih ovim Programom. Posebna pažnja će biti data aplikacijama koje doprinose ostvarivanju više prioritetnih aktivnosti i mjera predviđenih Programom.

Prednost u pružanju podrške će se dati projektima i zahtjevima koji omogućavaju ostvarivanje većih rezultata koji su predviđeni ovim Programom.

Prilikom ocjenjivanja metodologije ocjenjivat će se metode i predloženi način realizacije aktivnosti. Aplikacije koje imaju bolje razrađenu metodologiju i koherentniji plan implementacije projekta ili zahtjeva će imati prednost pri rangiranju.

Prilikom ocjenjivanja održivosti projekta, prednost imaju aplikacije koje na sveobuhvatniji način rješavaju problem i omogućavaju ostvarivanje rezultata, koje provode aktivnosti koje su bolje povezane sa potrebama poduzetništva i obrta i koje mogu dugoročno osigurati nastavak aktivnosti i nakon završetka projekta.

Prilikom ocjenjivanja budžeta i troškovne efikasnosti prednost će se dati aplikacijama koje bolje ispunjavaju finansijske kriterije Programa, koje su u budžetu navele i iskazale sve aktivnosti potrebne za realizaciju projekta i koje su planirale veće učešće vlastitih sredstava u implementaciji projekta.

## **7. POTREBAN BROJ RADNIKA ZA PROVOĐENJE PROGRAMA I MONITORING**

### **7.1. Potreban broj radnika za provođenje Programa**

Za provođenje Programa su nadležni zaposleni u Ministarstvu za privredu Bosansko-podrinjskog kantona Goražde i predstavnici Obrtničke komore Bosansko-podrinjskog kantona Goražde.

### **7.2. Monitoring implementacije i provođenja Programa**

Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim ugovorima i u skladu sa odredbama ovog Programa. U cilju osiguranja procjene rezultata odabrani korisnici su dužni nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde izvještaj o provedenim aktivnostima koje su odobrene za finansiranje iz programa i to jedan izvještaj na polovini i konačan izvještaj na kraju implementacije projekta.

Nadzor realizacije Programa utroška sredstava sa ekonomskog koda 614 500 POD 003–Subvencije za podsticaj razvoja, poduzetništva i obrta vrši Ministarstvo za privredu Bosansko-podrinjskog kantona Goražde i predstavnici Obrtničke komore Bosansko-podrinjskog kantona Goražde.

Mjerenje rezultata i provedenih aktivnosti će se vršiti na osnovu periodičnog monitoringa implementacije projekta sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodijeljenih sredstava.

U slučaju da korisnik državne pomoći nije u mogućnosti realizovati aplicirani projekat isti se obraća zahtjevom Ministarstvu za privredu BPK Goražde za promjenu namjene apliciranog projekta. Zahtjev razmatra komisija za nadzor i kontrolu namjenskog utroška dodijeljene državne pomoći i ista odobri /ne odobri promjene namjene apliciranog projekta o čemu sačinjava zapisnik. U slučaju prihvatanja namjene apliciranog projekta Ministar za privredu BPK Goražde potpisuje Aneks ugovora sa korisnikom državne pomoći.

U slučaju da rezultati monitoringa ukažu na značajni zaostatak u ispunjavanju ugovorenih obaveza, ministarstvo predlaže Vladi Bosansko-podrinjskog kantona Goražde donošenje odluke o povratu dodjeljenje državne pomoći ili preusmjeravanje u skladu sa odredbama Programa.

## **8. PROCJENA REZULTATA**

Aplikanti su dužni u prijedlogu projekta navesti specifične rezultate koji su direktno povezani sa očekivanim rezultatima ovog Programa i moraju biti mjerljivi i jasno vremenski određeni.

Očekivani rezultati Programa podrške razvoju poduzetništva i obrta za 2022. godinu su:

- povećanje broja registriranih i obrtnika i srodnih djelatnosti,
- povećanje broja zaposlenih u obrtu i srodnim djelatnostima,
- povećanje obima poslovanja u obrtu i srodnim djelatnostima kroz ulaganja u nabavku opreme, repromaterijala, ulaganja u objekte i otklanjanja uskih grla,
- prevazilaženje poteškoća u radu pri obavljanju obrta i omogućavanje dugoročnog stabilnog poslovanja poduzetnika i obrtnika, starih zanata i obrtnika u niskoakumulativnim djelatnostima.

Sve aplikacije koje se podnose za finansiranje iz sredstava Programa će biti procjenjivane u odnosu na njihove očekivane rezultate. Očekivani rezultati prijedloga projekata i zahtjeva za sredstvima se procjenjuju u odnosu na očekivane rezultate Programa.

Očekivani rezultati koji su predloženi u prijedlogu projekta će se koristiti za ocjenu kvalitete prijedloga projekta i njegovog doprinosa ostvarivanju ciljeva Programa, a takođe će biti kriterij za ocjenu namjenskog utroška sredstava i ispunjavanja ugovorenih obaveza po odobrenim grantovima Ministarstva za privredu Bosansko-podrinjskog kantona Goražde.

Mjerenje rezultata aktivnosti će se vršiti na osnovu rezultata monitoringa implementacije obilaskom korisnika na terenu i na osnovu pismenih izvještaja korisnika sredstava.

U cilju osiguranja procjene rezultata Programa odabrani korisnici koji su dobili podršku dužni su nakon utroška odobrenih sredstava dostaviti Ministarstvu za privredu Izvještaj o provedenim aktivnostima koje su odobrene za finansiranje iz Programa. Odabrani korisnici dužni su dostavljati jedan izvještaj na polovini i konačan izvještaj na kraju implementacije projekta. Forma i sadržaj Izvještaja o utrošku sredstava će biti dostavljena svim korisnicima sredstava.

Očekivani rezultati Programa su u skladu sa zacrtanim ciljevima iz Programa rada Vlade Bosansko-podrinjskog kantona Goražde za 2022. godinu, u kojem su kao prioriteti rada definisani uspostavljanje efikasnog modela podrške razvoju poduzetništva i obrta, povećanje broja zaposlenih u poduzetništvu i obrtu, poboljšanje položaja poduzetnika i obrtnika koji se suočavaju sa poteškoćama u poslovanju i smanjenje registrovane nezaposlenosti.

Sredstva za podršku udruženjima i institucijama koje su registrovane po Zakonu o obrtu i srodnim djelatnostima ista će biti dodjeljivana u skladu sa programom predviđenim za ove namjene, pa samim tim nisu ni obuhvaćeni ovim Programom, takođe nisu obuhvaćeni i obrtnici koji se bave poljoprivrednom djelatnošću, jer se isti podržavaju sa koda za poljoprivredu, kao da se ne podržavaju obrtnici sa dopunskom djelatnošću.

## **9. PROCJENA NEPREDVIĐENIH RASHODA I RIZIKA**

Kako bi se smanjili rizici u procesu implementacije Programa uvedene su novine i u procesu selekcije i monitoringu aktivnosti koje su podržane u okviru ovog Programa. Novine se odnose u omogućavanju službenicima terenske posjete i prikupljanje dodatnih informacija neophodnih za proces selekcije, te monitoring u toku same implementacije aktivnosti i mjera koje su podržane ovim Programom.

Aplikanti su dužni planirati odgovarajuće mjere koje će poduzeti u slučaju pojave rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog Programa.

Kao sredstvo obezbjeđenja namjenskog utroška sredstava, korisnici su dužni resornom ministarstvu dostaviti mjenicu sa mjeničnim ovlaštenjem, čime će se izbjeći rizici u procesu implementacije projekta.

Broj: 04-11-1431-2/22

Goražde, 20.07.2022.godine

**MINISTAR**

Haris Salković

